



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

II. Mendosum esse textum probatur è versionibus Latinis, tum Dionysij
Exigi, quæ mutila est, & restituitur, tum ejus qua usus est Carolus
Magnus, tum Ferrandi Diaconi. E collatione trium ...

urn:nbn:de:hbz:466:1-15591

ad Leonem III. qui irritas esse decrevit etiam ordinationes Subdiaconorum. Ratio huius novi responsi inquiritur. Explicatur canon septima Synodi de Lectorum ordinatione.

VII. Licet vetitum à Leone, & à Synodis Gallicanis, ne Choropiscopi deinceps fierent, retenti sunt ramen ab Episcopis. Quia eorum cura levabam, ut colligetur è Capitularibus, & Synodo Meldensi.

VIII. In quo versaretur eorum ministerium anno 840. Cujus occasione electio Episcoporum differebatur à Regibus, qui reditus Ecclesie vacantis relegabant. Synodus Meldensis explicata, è Flodoardo.

I. Dubitatum iterum in Gallia de ordinibus presbyteri collatis à Choropiscopis. Consultus Nicolaus I. respondit esse validos, sed abstinentiam ab illis in posterum. Contrarium senserunt post aliquot annos provincia Belgica Episcopi. Cessatum deinceps à Choropiscoporum institutione. Pars sollicitudinis translatâ in Archidiaconos. Unde lapsus Sigeberti, qui Archidiaconos cum Choropiscopis confundit. In Patriarchatu Alexandrino hodie nulli Episcopi, sed Choropiscopi.

I. CETERUM quod attinet ad Presbyterorum & Diaconorum ordinationes, Choropiscopis omnino eas admittit canon Antiochenus: *Nec Presbyterum verò nec Diaconum audeant ordinare, preter civitatis Episcopum, cui ipse cum possessione subiectus est.* Quod non ita est intelligendum, ac si ex mandato Episcopi permitti illis posset ea ordinatio. Accedere quidem potest ordinatio ab Episcopo celebranda; sed solus eam peragere non potest. Eleganter Balsamo:

Illud autem, Sine Episcopo qui est in urbe, non accipitur pro eo quod est, sine ejus mandato, sed pro eo quod est, sine illius consecratione. Etsi enim fuerit Choropiscopo mandatum ut Presbyterum ordinet, & hoc fecerit, irrita erit ordinatio, quod non sit ei à canonicis data Presbyterum ordinandi potestas. Quæ contra sententiam Zonarae, eti tacito ejus nomine, Balsamo disputat. Hoc decretem hauserat Synodus Antiochena è Concilio Ancyrano; cuius canonem Græcum recitabo, ut restituam veram lectionem, & eadem opera sinceram ejus explicationem appetiam, quæ ob illud vitium viros eruditissimos latuit: *χερεπικόποιοι μὴ εἶσιν οἱ Εὐτέροι οἱ Διάκονοι χεροτονεῖν, ἀλλὰ μὴ οἱ Χερεπικοὶ πόλεως, χερις τὸ διατελέσμα τὸ τὸ θηριόποιο μὴ γαμμάτων, ἐπέρα παροια.* Ex hac lectione, quam Collectio Canonum Zonarae & Balsamonis exhibet, duplex sensus elici potest, juxta varias interpretationes quas ambigua phrasis Græca ferre potest. Ita enim verti potest: *Choropiscopis non licere Presbyteros aut Diaconos ordinare, sed neque Presbyteris civitatis, nisi eis permittatur ab Episcopo per literas, in aliena paroecia.* Vel ita, sed neque Presbyteros civitatis, accusandi casu, non dandi, ut in su-

periori interpretatione. Iuxta priorem explicationem, potestatem adimit Presbyteris urbicis ne Presbyteros aut Diaconos ordinent, nisi eis licentia per literas facta fuerit ab Episcopo, in aliena paroecia. Quod ineptum est, & alienum à regula, quæ Presbyterorum ordinationes solis Episcopis trahit, idque in sua cujusque paroecia, cùm Choropiscopis Presbyteros & Diaconos ordinare, imo etiam Presbyteros urbicos, sine litteris Episcopi, in aliena paroecia. Quo quid absurdius dici possit, non video. Anne cui verita est Presbyteri vicani ordinatio, non etiam potiori jure verita est urbici, ut de hac iterum urgenda non sit interdictio, quasi de re minoris momenti ageretur, quæ superiori prohibitione non esset comprehensa? Deinde quid est illud, in aliena paroecia? ac si Choropiscopis libera esset ordinatio Presbyteri in sua paroecia sine litteris, vel ab iis tentari posset ordinatio Presbyterorum cum Episcopi consensione ac litteris in aliena paroecia. A Zonara vel Balsamone, qui hanc ultimam interpretationem sequuntur, nullum subsidium sperari potest: quia, ut fatetur Balsamo, seculo illo Choropiscoporum gradus omnino exoleverat. Ideo commentandi labore supersedit. Vel forte quod desperaret sinceram sententiam canonis se assicuratum.

II. Mendosus omnino canon Græcus, è quo tot ineptiae sequuntur. Ejus veracitatem constituenda est ex antiquis versionibus. Dionysius Exiguus, qui veterem satis confusam castigavit, sic habet: *Choropiscopis non licere Presbyteros aut Diaconos ordinare. Sed nec Presbyteris civitatis, sine precepto Episcopi vel litteris in unaquaque paroecia.* Sed editio vulgaris Dionysij mutila est, ubi restituenda sunt hæc verba, *aliquid agere*, quæ inserere oportet post ista, *Presbyteris civitatibus.* Etenim Epitome Canonum ab Hadriano I. concinnata è versione Dionysij Exigu, integra verba illa retinuit, quæ deflunt in editione Codicis Canonum: *Vt Choropiscopi Presbyterum vel Diaconum non ordinent, nec Presbyter aliquid agat in paroecia sine precepto Episcopi.* In Capitulari Aquifranensi Caroli M. canon his verbis proferunt, quæ concinunt cum interpretatione quæ extat in Collectione Isidori: *Vicariis Episcoporum, quos Greci Choropiscopos dicunt, non licere Presbyteros vel Diaconos ordinare, sed nec Presbyteris civitatis sine Episcopi precepto amplius aliquid jubere, vel sine auctoritate litterarum ejus in unaquaque paroecia aliquid agere.* Ferrandus Diaconus Carthaginensis,

Syn Ancyra cap. II.

& Imperij Lib. II. Cap. XIV. 103

qui eodem tempore floruit quo Dionysius, videtur hæsiſſe interpretationi à superiore non diffimili. Ait enim in Breviatione canonum Tirulo lxxix. *Vt Chorēpiscopi, id est, vicāř Episcoporum, nec Presbyteros nec Diaconos ordinant, nisi tantum Subdiaconos.* Concil. Anquiritan. Tit. 13. Conc. Antioch. Tit. 10. Superest alterum membrum canonis Ancyrani, quod agit de Presbyteris civitatis. Ejus sententiam refert Ferrandus Titulo XCII. *Vt Presbyteri evitatis sine jussū Episcopi nihil jubeant, nec in unaquaque parochia aliquid agant.* Concil. Sardic. Tit. 13. Legendum Concil. Anquir. Nulla enim fit mentio Presbyterorum civitatis in Concilio Sardicensi; sed in solo Ancyrano, dicto canone. Tres istæ interpretationes constanter legunt, *Presbyteris civitatis*, dandi casu, & *in unaquaque parochia*. Vnde sine dubio emendari debet textus Græcus, legique, ἐπίσκοποι μηδέ τι πάτερ, non autem ἐπίσκοποι, ut præfert lectio Zonarae. Mutilum etiam alia ex parte Græcum contextum esse constat, ex iisdem interpretationibus. Hiatum enim hujus sententiae, *sed nec Presbyteris civitatis sine literis Episcopi & jussū in unaquaque parochia, his verbis supplet, aliquid agere.* Itaque in Græco contextu deest πατέρων, aut quid simile. Quo loquendi modo utitur Synodus Laodicena in simili specie: *Presbyteri preter consilium Episcopi nihil agant, μηδὲ πατέρων.* Scilicet coercita est Presbyterorum urbicorum functio ad arbitrium Episcopi, de quo literis constare oportuit. Quod esset Chorēpiscopi munus erga promovendos ad presbyteratum in agris & vicis, colligere licet ex administratione rusticarum paroeciarum, que illi credita erat. Scilicet morum inquisitio, imo & delectus eorum qui adscribendi erant, ad eum pertinebat. Quod in Oriente locum habuit, ut docet Collectio Canonum Arabicorum can. LX. Non enim licet ut ullus minister in facello sive capella diacessit sine licentia Chorēpiscopi, quandoquidem ipse est capitulum illorum. Istud omnibus Presbyteris arrogat epistola Nicæna Synodi, ut designent eos qui merebentur adscisci in clerum, οὐχὶ γέλεται, ἣ ἔργα κατέλεγον τοῖς δέξιοι τοῖς χάρης. quae curam Chorēpiscopi non excludunt.

Ep. Nic. Syn.
apud Theod. l. 1.
c. 11.

III. Eximiām pauperum curam Chorēpiscopos gesiſſe dixi, secundum mentem Synodi Neocæsariensis, cuius hæc est sententia. Presbyteris agrorum liberum non esse ut orationem faciant in Ecclesia civitatis, coram Episcopo, vel urbis Presbyteris. Vnde sequi videbatur idem statendum de Chorēpiscopis, qui rusticani paœciis prærant; maxime cùm effent se-

cundi ordinis Sacerdotes. Hoc enim significant verba illa, *ad similitudinem septuaginta constitutos esse. Presbyteros enim, five minoris gradus præceptores, cum septuaginta Discipulis componebant veteres;* ut patet ex Hieronymo, qui duodecim fontes explicans allegoricè in epistola ad Fa-biolam de LII. mansionibus, *Nec dubium,* inquit, *quin de duodecim Apostolis sermo sit, de quorum fontibus aque derivatae totius mundi ficitatem rigant.* Iuxta has aquas septuaginta creverunt palme, quas & ipsos secundi ordinis intelligimus præceptores; Luca Evangelista testante duodecim fuisse Apostolos, & septuaginta Discipulos minoris gradus, quos & binos ante se Dominus premissemus. Attamen et si inter Presbyteros recenseantur Chorēpiscopi, canon decernit eum honorem illis deferri ut offerant honorati, præsente Episcopo & Presbyteris civitatis. Cujus moris eam rationem reddit, quia comministri sunt, & impensum studium pauperibus exhibent. Quorum verborum hic est sensus; Chorēpiscopos non esse adscribendos Presbyteris agrorum, sed potius inter comministros civitatis adsciscendos, quia Episcopum sollicitudine episcopali in pagis visitandis levant, eiisque vices gerunt, ideoque συλλετουργοι dici possunt. Vnde fit, & ex studio quod erga pauperes exhibent, ut offerant honorati, πατέρων πμάθροι. Quæ synodi verba, ne sint otiosa, ita intelligi debent, ut Chorēpiscopi soleniori & celebriori pompa in sacris ministeriis obeundis procederent quam Presbyteri civitatis, eo satellitio Clericorum stipati quod episcopalem quandam honorem referret, licet revera eorum gradus ad typum septuaginta Discipulorum esset expressus. Curam vero pauperum præcipuum gerebant, quos arbitrio Episcopi, & suo ministerio, procurabant, ita ut miseris species quædam frumentationis præberetur. Quare inter cetera Chorēpiscopi munia, in Opusculo Ebonis, refertur peregrinorum & pauperum exhibendorum studium, maxime cùm morbo vexantur: *Hospitalitatem sc̄tari, infirmos visitando, obsequia benignitatis, & beneficitionis, & sancta unctionis inferre.* Ex eo profectum ut in Canonibus Arabicis, Chorēpiscopis cura immineat præficiendi aliquem, qui juxta vires unius cuiusque vici eos redditus colligat qui ab Episcopo ad alendos pauperes & recreandos peregrinos impedi debent.

IV. Aliquando tamen chorēpiscopatus conferebatur angustioribus finibus exercendus; ut contigit in cauſa Armentarij, cuius ordinatio ad episcopatum Ebroudunen-

*Pide epistolam
Leoni IV. ad
Presbyteros apud
Barsum, &
Theodulphum
Ardelianensem
Epis. allegorium
Presbyteros
sug diacessos.*

Opus. Ebonis
Archiep. Rem. in
Appendice folio
doardi.